



KOTAVUSA VIRDA

KOTAVAFI VIRDA VESTASA VA TAMAVA IS ARAYEEM MU AYIKEEM

**Kotava, tela tamefa golerava
Va ina kosmac !!**

Toleaksat ke 2026
40^e otuk









Francavafa xantofa wimbira.
Barracuda (2011)
Sutesik : Jean Dufaux
Zovdasik : Jérémy
Ksevasik : Jérémy
Piskusik : Éditions Dargaud


Kalkotavaks :
Barracuda, Omza
Kalkotavara : Damien Etcheverry (2025)


Sanegara bad 2 otuk ke virda. Toza koe
39^e otuk. Tena koe bat otuk.











GAN METAN ZO ROPOMÁ
KIRE ZO LANZAYÁ LIEKE
DAM BAT EVAKIK. DAM
MORKAM DJUKURENAYAS
VA JINAFI JOTAFI
VIRGINIA BERIKYA.




BARRACUDA

TIYI KE FIUNTAFI YASA VOXEN ZO RAWAYAV. BATDUME POKOLEREEM KE GADIKYE VA JINAFI VIRGINIA BERIKYA ANAMPLEKUYUR, I VA BERIK NUPUVES VA PEACOCK OLUIKYE TISE AYIK VILATAS VA BETE PESTAKE KOE TAKRA KE KOTA YIKYA...




AE...
INYA TIR... MEM-
PESA... EN.




LUXE JIN, VA MEKA SKALERA DADIYI. VA BATA ROTAKAFA SKUJERA PAKEYE, I VA SKUJERA TISA DOLERA VA JOTUCA TA MALSEOTARA VA ERBA. OSTIK LOROTON, VA INT DACE ME VLI GUYU.



VIRGINIA LUXEON STIVAWEYER. VA LANA FALA VIDEYER ENIDE VA BAT KINOKAF DILIUK CO DI DIVVAWAYAR. KIRE MEA TIYIR ANTAFI, ARLIZE RENAYAR...



VA LAN STUVUSIK LANSIELON KAKEVEYEN
KOE HYDE MARKET AL KORENAMAYAR.
I VA LAN MORKAM LAJUBROSTAYAS...



BERIKYA APE TIYIR FAKAFA WIVGA TOVE WIVGASIK
DUM INYE. INAF KOTCEEM VA INAF MILGAF COT
VANLUDEVAYAR VOXEN INA VA BATA UNGERA ABDI
ARISA ALBAYAR. BANCABA TIYIR LOEKE ECA DAM
KOTA SATOLERA BANVIELI.



VA KOTA BATCOBA GIVUYÜ VIELE INA VA YASAXO
DJUPROBULUYUR ABDIDA VA ABEGIK DI KEVLANIYIR.



TIZON MIJEYEV. POUYÜ DA INA CO DI MALLANIYIR, VOXEN
INA KUZUYUR. VA TIZUCA GONUNEYÉ NUME VA INA
KOE MAWA DI ROSUYÜ.



VA MANE BAS INA AL LAJUSOLTIOLTEYÉ,
I VA XO KE DIREFA KAKEVETCA
DO MORKAM. IKAON LANIYI,
DEM WESTA IS DUG.



ME AESKEYÉ. VERE DJUKUTENUKEYÉ !





GOA VA RIN SOTUNYUKAR.
DUG VA PORUCA
SONENDOYER.



KLE VA SINT DOALIEYEV. ISEN IN VA INT ENWE ROJU-
NUUYUR. NEKE VA GUNT NARIYI. TOLTOMON LAJUPUZAYÄ.



TANEATOMON BEN GEXATA. TOLEATOMON MOE SID ZAVZA-
GIYIR, MEA ZEKASON. TRAKUYÜ DA VA OL AL KOTASKIYI.
BAT GRENYIK MOE CINAFA KELDA MEA DI TIGIYIR.



JOYA TIYIR NUYAFA MU PEACOCK. VAN MONA
DIMLANIYI, TUVALEANON GAN INTAF
DUGUS FITC, ENWE.



VIELE VOFAYÄ DA
VA WESTA BENEON
MEA DISKIYI !



GUYAF, VERE
DIMLANIYI.



KRAFOL KE TUFÄ DWEYER. MORKAM AL
GRIAWIYIR ISEN VA ERVO MEÄ DIMDRASUYÜ !

INDE KAIKION KOSMAYÄ, MORKAM AL LAJUMADAGIYIR. TOZEKIK
VA LINVESI BLI SODIR, AL TIYI FRAYES, VA INAFA TAKRA
CO AL GOSOLTIOLTEYÄ AZE PU VAKOL CO AL KABUYÜ.
IN ARELDON MOBLIYIR... TA JINAFÄ XAKERAPÄ...



VOXIS TELA INAFA ! KIREN
VIELE KEVE ELZA VA INT
TANEATOMON WIYIR, PUNE
KOSMANA GEXATA TUKUL-
TAYAR NUMEN IN GAN BERYÄ
MEA DI ZO RORENAYAR.



BANVIELI
IN ANTON TIYIR
DRENDAMAF...

JINAFÄ DUGARA VA IN AL TUSTEZAYAR !




VOXEN KON STEZIK VA INT DERE
SOJAXADAR. STALEON FU GIVUYÜ.



ARTI BARKA, BERIKYA OTCEYER. KAANEYATASON VERE MALLAKIYI, VULKUSON VA KOTA
VIDJERA VOXIS ONKANON GAN LAUMASA BEMUUCA. KIRE KORE DUN ANEYAYÄ ISE
KALERUYÜ ISE KOWEDIYI, PUNE VA MEKA CENKA MALSEOTAYÄ, ICDE INA OK MORKAM.






AZEN IN ARTI OXAM TANOYA SAFTA VA
INA TERE TRASIIYR. DUM DRASUYUNA
ARTE TAMAVA...



XONUKEYESA,
VILTAYANA...



...GAN LANA WESTA TIRE TISA
TELA JINAFI.



MILEDJE MORKAM PU HAMP FAYIK FLIKIRAF GU VURA,
VA INT ATOEYER. BAZEYER DA TIYIR BEMUAPAF GU
GRIAWIRA KE LANA ABEGAPIKYA ISE VA LIPI ATCEYER.



LIPI GAN SUTERA KE JINAFI BERIKYA
ZO SUTEYER ISE KALIYIR...

« KIBLANSÁ. GOLDE TIZUCA KE JINAFI
BERIKYE GONOTCÉ. PESTALÉ DA INE CUGEKE
ROTASKIR, DON ROTE. VA POMARA IS NEN-
DARA KE MORKAM WELTIKYE DJUTETRASI.
GAN LORIK REMI BAT KRANAVEPES
VIETUM ZO TCICÉ !! »




DON ROTE !...



DAKTEGARA KE MORKAM TIYIR GORUKAFA. TEREKTA-TASON IS ONSESON VA INAFA DISUKERA, VA SOTCE-YENE IKSE DIEPILEYE. BAM LEVVOGAYÄ DA DI REMBLIYİ KIRE ME AL TENUKEYE. RESTALIRA TITFIYIR.



BARRACUDA














BARRACUDA














* « GUBEON GU RINAFU WUPTA » INDE AZON ZO KALIR.








MMMEEE !!









Va mela sa
Mu metan.
Meviele.

WIMBRATUM

1. Levetirik
2. Omza
3. Toldoalie
4. Exura
5. Ayiktorik
6. Tunuyara



Dufaux - Jérémy

Barracuda

Levetirik

DARGAUD



... Yamba ke Dimblirugal



Ultima Cena trutca gan Leonardo da Vinci

La Ultima Cena tir rebavafa trutcapa skuyuna gan Leonardo da Vinci koe estuxo ke Santa Maria delle Grazie xidaxo ke Milano koe Italia. Va bocafa estura ke

Iesu vawale godevrikeem abdi sopera kaatoer. Bak 1498 Leonardo kev rebava rodon linger. Goxe bane ckane va videranya va grot re blokapayan me nover.



Kudja va Mosè

Granafa kudja va Mosè kum batakafa trilna gan Michelangelo bak 1513 mu naboxa ke Giulio II papik zo balumayar. Katcilik ton boksafa disukera ranyer, ton spueso alto is gijarotif relteem djuprozekas. Koe San Pietro in Vincoli uja ke Roma zo inkeyer.



Tan delt ke Raffaello

Lingeyena moni 1514-1515, bata trutca tir delt va tane nikye ke lingesik, i va Baldassare Castiglione. Raffaello va pofa nek opelafa is tuwavafa tira ke tezik lajudeswar, kan lukoptaf kom isu ebeltaf isu batakaf. Koe Louvre tcilaxe ke Paris zo rowir.



Zivotc trutca

Lingeyena moni 1507, *Zivotc trutca* ke Giorgione veneziik tir bulafa trutca dem noafa kseva. Patectoy to taneatomon ape tir watsa ke grabom, toleazenton iskeson va koredik. Koe lupaxa ke Cultim koe Venezia zo romafelar.



Mivdelt ke Dürer

Bat delt va yambik gis va kuce bak 1493 gan Albrecht Dürer ba 22-da tici dodelikafa koyara koe Germana zo lingeyer. To tan taneaf mivdelt meruptes ke taltekafa lingeropa tir. Koe Louvre tcilaxe ke Paris zo kabdunedir.



Pluktafa matela

Pluktafa matela tir bartrutca ke Jeronimus Bosch nederlandik. Bata trutca lingeyena kan punta kev inta wali 1490 is 1500, va gestira ke lingesik va fuda moe Tawava kaatoer, i va birtafa is welimafa wira dem jontika rilitafa is tafa pinta cobekon skuyuna. Dene Prado tcila ke Madrid zo vider.

... Barroco ugal, pulukafa yamba



Malyedara ke Paris

Lingeyena gan Peter Paul Rubens vlaanderik moni 1632-1635, *Malyedara ke Paris* trutca va gemelt kaatoer viele jotafe namulolsusikye pirdane gan Mercurius lorik va listuca ke baroya lebamafa lorikya malyedar, i ke Venus is Juno is Minerva. Bata ksevapafa trutcapa dem jontika liziwera va alto ke ayikya tuvodar. Dene National Gallery tcila ke London zo rowir.



Las Meninas trutca

Bak 1656, koe *Las Meninas* trutca, Diego Velázquez espanaf lingesik va nazbeikya ke Felipe IV gazik ke Espana vawale zanisik koe tana bonta ke berma ke Madrid kaatoer. I lingesik dem zova koe nuba is ton ita modisukesa va disukesik va int dere al kaatoer. Va tokcoba sugdalar ? To bula... Trutca dene Prado tcila koe Madrid zo rowir.



Apollon is Dafne

Wali 1622 is 1625, Bernini italiaf yambik va *Apollon is Dafne* balumar. Trilnaf balumaks ontinaf vas 2.43 m- neder va kadara ke Dafne loramikya gu pretca enide ina va Apollon divvawar. Bernini va dustasa is bagafa lizira pu tolonga zilir numen rapor vanpir cot. Dene Borghese tcila koe Roma.



David is Goliath

Moni 1607 Caravaggio va jotaf David sure bastakayas va Goliath gulik kaatoer. Tuke afi mal tanoy kril is aftorika, i lingesik va disukera ke disukesik van reem ke piza vodjur : i van dug is ma ke David is gexata ke Goliath. Trutca dene Borghese tcila koe Roma zo kabdunedir.



Yikya dem mard

To delt lingeyen gan Johannes Vermeer moni 1665 koe Delft koe Nederlanda. Koafiana gan zijnafa afta, yikya van disukesik takaskarar. Koe tama ke blafote is falte, inafa gexata male orikaf ludev divetir, laumasison va afiara kev inafa aftafa alma. Bata trutca dene Mauritshuis tcila ke Den Haag koe Nederlanda tigr.



Mivdelt ton Paulus grekik

Rembrandt nederlandaf lingesik ba 55-da va bat mivdelt skuyur. Inafa gexata tcalakirafa gu ploz va orika divstir, ton bata kaf delor is nevabu gralombesu va afi. Talteon poke epita, in va intaf yolt is ilana ke lingera (1661) kosuteyer. Trutca dene Rijksmuseum tcila ke Amsterdam koe Nederlanda zo kabdunedir.aag koe Nederlanda tigr.



JAMES COOK

Le Monde
atoer va


ZOLONAF KOROBİK KE İZVA TON WİMBRA

BOLLÉE | NARDO

JAMES COOK

BOCAFA KOYARA

2-eaf DOV



James Cook

Francavafa xantofa wimbra.

James Cook (2021, 2 dov)

Sutesik is nios : Christian Clot & LF Bollée

Zovdasik : Federico Nardo

Ksevasik : Aretha Battistutta

Piskusik : Glénat

Kalkotavaks :

James Cook, 2. Bocafa koyara

Kalkotavara : Pierre Van Moorgen (2025)

Sanegara bad 6 otuk ke virda. Toza koe
37^e otuk, toleaf dov koe bat 40^e otuk

14/02/1779.
SANDWICH
TURSIA.

JAMES COOK VA BATA
PENDAROPA IXAM
GELKEON TCEDESON
AL REWAYAR.

NOPE DUBIERA
KE TAN LIKAY KE
RESOLUTION TOTA...



... VA GAZIK KE BATA PAKAVA
KE EWALA VOLMIV
AL GRALOMEYER AZE VA IN
DO YON BEWIK KE INAFA YASA
SAYAKON KAGIYIR !

VOXEN BATLIZE,
BATVIELE, DEBALA
ME TOWAYAR, ISEN
STOLENIK RUYEYED
DA VA MECOBA
DI ROTASKIYID.



BAM GORAYAR DA
VA BATA ARIENTA MIV
FU VIUNSUYUR ISE
FU VANKRIYIR ENIDE
VA DUBIESIK DI KEVLANIYIR.
AR LIKAY ZO TUGADIAYAR.



... NUMEN
JAMES COOK VAN
INTAF BALI LAPIYIR.

JAMES COOK

WOOLWICH,
24/05/1746.

TOLOYA TOTA ?
KAS MANCOBA ME TIR
JONKARA VA ZVAK,
REDAKIK ?

TOLOYA TOTA TA
TOLEAFA KOYARA,
BATCOBA ME NUTIR
VOLOVOPAPA, BANKS
WELTIKYE...!

VA YON MINAF AWALKIK
SETIKEL !! VA MINAFA XEYERA
GROCELON ICE KRIMTA KE NEW SOUTH
WALES ! TUAXAPAYANON DIMLAPIYIT,
RIWE GALOVON...


EFE, VOXEN BATCOBA VA JONTOLAPA
DIRGARA DERE LEVAYKAR, IS VA LOEKE
KOAYKATANA UGDA, IS VA LOA GOGADE-
TENA TIURA... ME LANÉ DA...

VA RESOLUTION TOTA ISU ADVENTURE
DIRNURSÚ NUMEN VA TAMAVA
ANAMOLAPITIT ISEN VA DRIGEEM
EN DULZOE !



VA LANYONA KOEFA
SENURA DERE
VOLMIV AL ASKIL...
VA DARKA LEON
DADI...

UGAL
BETAWER,
BANKS
WELTIKYE...

UGAL IS AYIK,
COOK WELTIKYE...
MEA TIL MILTEL DAM
GELKEON, TIRE...



JAMES COOK



17/01/1773.



CLERKE RIKULIK !
VANCOUVER LEVRİKULIK !

WELTIKYE...?

VA KONCOBA
PU WIN GODAKTÉ...


JINAFI PATAVARA
TIR ARIEKAFI : VA
ANTARKTIKA IVAMU
SU KAIKLAPIT,
EKON ICE 66° 36'
KE GEEF LAKSIWAK !



TIT TANEAF BIRIK
GELTRAS VA BATCOBA !
ROTIC OKLAF,
WELTIKYE !



EN TIT,
REDAKIK !



GODODENO DRO
TIR DA GAN BATA
OPRAFA WELFA RIWE
ZO STOLET...

KAS FOLIL
DA DEBALA
JONTIKEDJE
FU JIJAR...?



VOLGUE, EDE TERRA AUSTRALIS TADAVA
LENTE JIN VA INT FU NEDIR... VOXEN
VA INAFI TIRA JONTIKEDJE MEA FOLÍ !

JAMES COOK

08/02/1773.



18/05/1773.

TO INA TIR !

TO ADVENTURE TOTA !
TERE ! VA WARZOT
PU DRIG DAKTEL,
CLERKE WELTIKYE !!



REDAKIK VA
ADVENTURE TOTA
ARIEKON SU
PILKOMODAR !
MINAFA BRINUGA
GIN TIR DOKOTAFI !

XIP
XIP XIP...
XURI !!

AL TEGÍ
INDE AL KALIYIL,
WELTIKYE...



VIELU CINAFA VAWA
GU TELA WINAFA
ZO GRIUZIAYAR, PUNE
VAN NEWZELANDA LAPIYÍ
LIZ WETI SANKA AL
ARTLAPÍ... VA WIN
BRALDESON KEYÉ !



VA VAN DIEMEN SIDAY *
KENOLAPIYIL, LEVAYKÁ...
KAS AL ROWAZDEL DA IN
KAIKE VEDIL GEE NEW
SOUTH WALES SIDAY
TIGIR ? BATCOBA
ZOLONAFA !



GOXE VOLGUE,
WELTIKYE... DJUMASKIYÍ
VOXE VA SIDAY ME
LAJUPANAMELAPIYÍ
NUME ME DJUWAZDÉ
KASE IN EN TIR EWALA
OKE ME... TOTASA GROPA
TIYIR ROTARSAFA !



* REFA TASMANIA EWALA.

JAMES COOK



22/09/1773.





DILION
ARTLANIV !



GRUPEYET DA YON LAN GOVITAF GRELT
AYIKTORUYUD, BATVIELU VA WAZDERA
DIKIT DA BATA ORPA KOE DERE
NEWZELANDA ZO REWAR !



VA ILANUK KE SONARA
VA NAFALIK ULEON KOTGRUPET !
VA TO BATCOBA GONAMIT !
GOD SAVE THE KING !!



GOD SAVE THE KING !!



JAMES COOK

11/01/1774.



GRUPĖ
VA COBA
TRAKUC...

... VA ANTARKTIKA
IVAMU GIRE AL
REMLAPIT, GAN OPRA
IS FENT GIRE ZO
STOLET, ISE VA
ADVENTURE TOTA
GIRE AL DRASUT !



VA KONAKTEL DJUPODIMLAPIS
AL ROGILDĖ...
TODA ME TIR !



DACE LOON
FUWAN GELAPIT,
TO JINAF
BENPLEKURA TIR !



ME VULKUT :
VA LANA VUIDA GOKOTASKIT !
ISEN LIEDJE BATCOBA
ME TEN TITIR, PUNE WAN
SOPUTUT ! TO TENA KE
JINAF KALIRA TIR !

30/01/1774.



EKON ICE 71° 10'
KE GEEF LAKSIWAK
IS 106° 54' KE TALTEF
WAK TIGIT.

METAN MEVIELE
LIEKE GELAPIYIR,
WELTIKYE !
TO IZVAF !

OSTIK,
TOZ FANSILEMĖ...



KOTTODE, PARMON ZOLTĖ
DA MEKA MEGRUPENA
TADAVA ROKRULDER ! UUM
BATVIELU ZO TENEKAR !
CUGEKE AL ASKIT...

23/02/1774.



TOK RINAF
BOY, PATTON
SELAROPIK ?

LANYEYOTAF KRANAV IS
WUPTA, BATCOBA ROTIR
ASTIRBAFA... FORSTER
TUWAVOPIK VA WETARA
VA VAKOL TA TISKARA VA
IEWAFA ATELA DRAGER...



NECIAPAPA...

...PU IN KALIL
DA NALÉ ISE
VA IN GREWÁ !



13/03/1774.



TIRE BANCOPA
WAN TIR BULA, VANCOUVER WELTIKYE !
TIT KE TANEAF TALTEKIK KOSMAS VA RIBIEGA
KE AYIKEEM, NUMEN BATCOBA TIR TANA
VALEACAPA KE MINAFA KOYARA !



JAMES COOK

10/05/1774.




PU GAZIK KE TAHITI
KALIL DA VA IN
GU GANERA IS
BAT TCATEY
GREWAPAV !



DERE KALIL
DA MALI TO KONAK AKSAT
VA KONA GIVA KE TOLEAFA TOTA
KE INTAFA BRINUGA MEA GIRE DIKIV...





... ISEN
CO DJUKAGRUPEV
KASE IN WETI DAREF
SAFTATUM VA INA ME
CO KOZWIYIR !



FOLIL ?

VOL !
VOXEN TOKTAN
ROGRUPER...
TAHITI EWALA SKRE
TIR GRUPECKENO
REMLAPIXO !

MEKA DIVEFA TOTA
MALI KONAK AKSAT !
COOK REDAKIK
KOTVIELE DRUMBAF
KO TAHITI.



GUE,
GREWÁ...



JAMES COOK


07/08/1774.
VANUATUA.

PAW!!

ME !!



FOTCE BENJE !
ME GOVILTAYAL !
IN OPELON RADEYEYER,
GOLDE DIVLANKERA
KE YASUR MEFTA !



JIN...
AL FOLÍ DA
VA MIN FU
DILFUYUR...

LEVAYKÁ DA DIVLANKERA VA
LANE BAERDE TOVE BATYON
PATECTOLIK TADLER... NUMEN
VA RALI KALION DRASUD !



ISON,
WELTIKYE...

YAZIDATRASPUXA SOTIR
AWALKOLAFÁ ! VA DAVAFÁ
DIMAVLARA VAN
RESOLUTION TOTA !!





LORIK !
TOKVIELE VA MIN
KO ENGLA
DIMSTATAL,
REDAKIK ?



VIELE
GORATÁ !

13/09/1774.






PIGAFETTA



TOZA KOE YON DAREF OTUK



Pigafetta, ugalda ke taneafa koyara anamo tamava.

Espanavafa xantofa wimbra.

Pigafetta (2022).

Krentasik : Francisco Greene

Zovdasik : Cristián Montes

Ksevasik : G- Castro Gallo & V- León

Piskusik : Paquet

Kalkotavaks : Pigafetta

Kalkotavara : Gabriel Antiange (2025)

Zixa 4/6. Wana ke rupa.
















Rem bato faliato letaxo remi baroy akşatap
is tol-sanoy viel totayav, malestuson va mek
iewaf tor.



Enide me aelawalkkeyev, pune va lelt domaf gu ital
gonestuyuv. Ban lelt tiyir olgarsaf eke koe lavok
remi balemoy ok aluboy viel abdi plekura mo reliez
fiste zo perdoeyer.






Dace tovol gubeon volkarolan gan ayik...




... vanpiyir gedelaf tor olkon dodecken
droon gu acku ke ducato talolk,


















Kotavaxak dem suterot



Louis Hémon

MARIA
CHAPDELAINÉ

Kotava, tela tamefa golerava

Berpot (1914)

— Viele va taneaf taway koe Normandin al narav, va toloya jaftolya is abico baspexo digiyiv, kiren vugbana nyosa ware tiyir ton ranyes aaleem is wavdafa gu desara. Jin va kufta al narí aze al kalí : « Va taway mu rin fu desá, Laura ! » Nume gazdasielon kotvielon dun flagayá ise kal mona anton ta sielestura dimlaniyí ; isen batedje ina va exoma is gubeaceem adaeyer, va bonoleem viunsuyur, va istayaxa vanvuyur, va jaftolxe tcateyer, kuncason vols nonuson, ise baron ok balemon bak afizcek kabdu tuvel divlaniyir aze zavzagimir disukeson va jin domon ice aala lize va kurba is cirdata ta desara va taway kuncapason balieyé.

» Azon bak pereaksat lird al puskeweyer : jaftolya va lava ta ulira mea dadiyid nume va vrod riwe ten ziliyid. Numen edje koe aala tigiýí, pune gadya dem muktupu bene kota nuba kal kuksa laniyir, anyuston ik sanon vanticlanison va tembila, dem kotrafu muktupu bene kota nuba, ton nugeem ko traspuse bixe. Kotviele va amu al tukotrayar, pune va inu mo trumi vajayar aze ko bletap koe karnizxo ta jaftol tite pistok art loe bar-decemoye metre mal mona tuvlardayar. Batcoba me tiyir ol ta ayikya, kalickiyí da ina goniskeyer ; voxe kotviele toz iegar : « Me viunsul

va batcoba, rin !! Meinde viunsul !! Desal va taway !! Xay !! » Ise kipeyer bristutuson va jin, voxen wickiyí da al kuncayar isen levak ke inaf iteem tiyir ebeltaf nope cu.

» Bam kle va kufta nariyí aze ko aala mallaniyí, ise va cirdata kobavepeyé eke va yon lip pwertaf dum nubask soltiolteyé, unt kalison da va vololtavya dikiyí isen ede Lorikany va jin co gugalatar, pune va tawayany co fu desá... »

Muvara mo kepaita wan zagdar ; dile kona sukara va dilk ustar, gu gamiafa belaxa azon kevtrapusa kevo ralpa dum viafa ikuza. Arti ware konak muvas bartiv, bam to sid zo tulebatar, ton vantraspuxa awisa moe kota krimpa ; arti konak viel, isen bam narda gire zo gildeter.

— Viele va ar taway katice Mistassini al narav, ~ Samuel Chapdelaine dakir, ~ milcoba al tiyir : va olgafa kobavera is wavduca pu ina is jin ; vox kotedje bristun is kan aflicera... *Banlice* koe aalidja tigiýiv ; voxen larde senta dem faltaf nak vanmieae pistok tigiýid, pune va namulol toz varteyev. Lansielon...

Abicedje gire amlitar aze gin pulvir, modisukeson va Maria dumedede djulaner da ina fu gildackar.

— To lardeaksat tiyir ugale kot govitól ke aala turotawer. Lantanye ke Mistassini titlapise va kuksa moe witka poke mona al ritagiýir aze al pulviyir : « Va namulol anamsuc !! Kiren rupol va jaftoloc poke katicefo monaxo daresafton al aytad. » Bam kle gadya is jin kal faltanakxo al lanid, aneyatason va namuloleem az statason ko karnizxo tori mielcek enide gan rupol me di zo estuyur.

» Jin taltolaniyí isen ina ronoon, larde namulol vanmia gorka tutcastaweyed. To siel toz duyur, isen levgon va Laura iegasa gildé : « Ax ! Man rotapsanik ! » Govitol koe molda liziweyed, isen wickiyiv da me tiyid namulol kiren namulol koe aala ton batakafa kretsa sielon sokawir. Numen kle cugeke al vulté, dem kufta koe nuba. Rinafa gadikya porfeon al pwader viele koe mona dimon tigiyyiv : va namulol senyes moe sid al wiyyir, ixam xonukeyes is estun gan toloy rupol. Dace tison ayikye volvudese is soe dadise va zelt num golureskase va rupol bak lardeaksat, mancoba vol tir drikafa, voxen tison ayikya dadisa va mecoba koe nuba, sye gonaskina coba sotir otcera isen metan rovemalyopar, en. Voxen gadya va intaki mou sid al tredur aze van rupol rontion al vultér, iegason : « Va cinyon sudaf namulol !... Ve malvultec, dubiesik, xay, oken fu rotupú !! »

» Jin, vanmiao *kroc* cugeke tcepayá ; voxe abdida kev ina artvulteyé, pune rupol ko aala melikeson is kimton al otceyed kire gan gadya al zo vudesipiyid.

Maria terektar, megaeleson, is nueson kase gadikya va mancoba en al askiyir, i gadikya sotisa zijnafa is keafa isen kotviele va Télesphore kavalkur pune mo intaf badeem va ine vinur ise doon ikuzar, kalison da aliera va rumeik tir rotaca arbese va takra.

Tcandarama ke imwugal ixam mea tir ; tael reme rujod awir inde rilitafa gexata vannir witison kase nolda ke fentugal moi bata taneafa muvara ware co tir. Sid wan tir ton tantazukafa batakuca ; amlitap ke miel dakter da jontik viel ware fu tiskid abdida ilefi edi ke nardapa ware di zo gilder ; voxen zakodafa upa va koldara is abdiplekura tinter.

Samuel Chapdelaine abicedje amlitar, takatitalason, ton nubeem moe bade, setikeson va darekeugal is yona pokolepesa olgafa tanda. Viele gin pulvir, pune kan klabusa puda is ton teca kexafa dulkuca askir.

— Koe Normandin is Mistassini is kotaro xo lize al irubat, dun kobayapá ; metan kevon rokalir. Va aalafa welma jontikote al gridubú ise va yona mona isu baplace al kolná, kotviele unt trakuson da va tawayany lanviele di digiyit, lize gadya dum ayikya ke guazafo adlutaxo co bliyyir, i dum ayikya dem lebafa abrotcafa tayanya voke mona is matela dem rostela is listafa sudafa jaftolya koe karnizxo... Neken koe govitamafo xo sume kota mona isu uja vols aalxo al awalker liz bresitol jontikmielon gilied. Isen bata awalkera koe mano xo golde to jinafa derka tir ; jinafa derka, arse !

Sidja va ine lictar ; ine takabotcer, itomason.



— Konakviele, radimi tiskira va balemnda ok alubda koe lano xo *lice* kotcoba al dilizeckeyer, bam va kieweganya toz digiyit : va baspexo, is tawaykipi desani gu faytawara, is mona dem ros is ewava ke liday moe rebava... Ar korik anamon koirubayad ; nemon kemeson is kobackason, tere iste adlutaxonyo co di tigiyyit *lice* Laura kalon co di gazayar... Voxen levgon takreluca va jin jovleyer ; pesteyé tufican gan ol, tuakoydan gan vema ; va gexata ke korik lusteyes va vegungafa nyosa toz ilkadé, i ke korik auzus va min is trakus da va batcoba co puveguyut larde jontikedje al zavzayat antaf. Va lantan gildeyé, i va lantan kalis da ilon katice uzda koe aala, tawanya tiyir ; da korik ke Saint-Gédéon va *banlice* narara va nyosa pulviyid, numen nope bano xo waroldon toz aeleyé ise uliyí, i nope xo nemon gildeno nek meviele wiyino lice metan men irubayar, dumedé bano ino tiyir jinafo voxo...

» Banugale, viele ol ke afizcek tiyir tenuyun, lodame co vikizeyé poke bending, pune mo pikay gidebanyayá aze dum argawes vorotesik *banlice* mezekason zavzagiyyí, nume va kotcoba wina lente int cugeke ilkadeyé, i va kiewega kuncapason is kobavepeson tadleyena gan int, i va tayeem is istayaxeem, i va aalaki aretlasi va wira.

» Bam rinafa gadikya melorason kadimuon vanlaniyir ; va minafa kiewega dere disukeyer, isen grupeyé da ina suyon ice takra tiyir valeafa kiren bano xo vas kono guazafo adlutaxo toz vektayar *banlice* ina al atriyyir ise kotedje co djugazayar. Voxe lodame co kaliyyir da arse tiyí guazaf ixakik is oviskik dju Yates, milinde lotanya co askiyid, ise va jin gu bakestuca co moyakayar, pune anton girepalemeyer, trakuson va warzafa sutuca fure koe aro xo idjon ice aala, nume cwade zijnon eruyur : « Kle, Samuel ! Kas boreon *arlic* fu koirubat ? »

» Banugale me rodulzeyé jontikeke nope kinokuca telomtaweyé, golde inafa sutafa blira do jin ; voxe grupeckeyé da tere van loon lenteka gire co di buluyú, idjon ic aala loeke, isen ina do jin co di laniyyir aze va intaf pak ke olgaf ol ke toza co di nariyyir, dure tison dralafa is budafa is aflicesa, meviele kalisa va kona moyakaca oku yotaca.

Azon ine stivawer ise va batcera is nigerá jontikedje nukobrajar. Maria repaler aze va nubeem kevo vola plekur milinde djurelvatason va koncoba oku djuvulkutuson askit ; voxen va mecoba ae djuvulkur. Gan coba gildena zo konter ise zo skalter ; gojon golar da bata negara va olgafa blira budon tiskiyina tir dem suyafa is evartafa sugdala mu dal int ise vas tavera ruldar ede co grugildar.

— Va kontan grupejet ! Maria trakur.

Mali pikay ke awalk, gadikya al nukadar tutarkasa is manafa kerdela, voxen yastafa is dulkafa duga jupayasa da remi blira zo renayar, bata duga kadim ara ceakaca lewe gradilafa re griawid.

Koe yona tamba parmon al blir solve va dosita ke yonar ayik is diliodafa musuca ke wida co albar ; mali vanafiz kali miel al kuncar, ixalason va koto po ke alto gu kunoy olgaf ol neke va int dun gukear ise vanafizmielon dun zavzayar daavon wiyafa ; va taneodafa is govitafa tuwava is volayafa aala anameon anton wiyir ise va becafa vura is zijnuca is itupuca gosuyur, i va kotcoba tisa ilt ke jontika mefigafa decemda, numen bancoba arse tiyir wavdaca is riwetca, arse. Neken toka gablera tir ? Abica siskesa ewa kadimi awalkera.

Kas batcoba vas puida vodayar ? Uum koe inafa swava me tir maneke cuf ; voxen ina va to batcoba trakur. Va mana blira, maneke olgafa isu budafa, nek iskera va manote batcera kaikion, abictanya rodefaskid. Ina dace...

Kelt koafin gan tael manon tir afif is suyaf, isen abigakoraf rujod oltavaf gu zikexa runu bat kelt isu artu ton fawokaf ezgalday farud. Batakaf sid va meka rieta vas fent ik gabentuca divrozar, kiren upara tir zakodafa, isen kona bulafa ceakaca ke artfis imwugal va nolda gu opelafa efura va patectoy askir, i gu mecrakefa efuxa diepilenon anzana gu borefa awira.

Maria debanyesa poke dilk va kelt is batakaf sid is sumefa obla ke aala abicedje metrakuson disuker, aze laizon ve liter da mil uum tove ina va dulzeks su kazawar. Ina to va manmila blira, koe vo, milinde gadikya al blir, az awalkera is iskera va nigepes kurenik is setikera va benelaf ceakaceem ke intafa zaava, volgreccion vofar dumedede dulzera arlizu al artfir. En rodefaskitir ; nume laninde destar, dumedede mancoba co tir laizafa razdara.

Ina batinde co roblir ; voxe... me djukuraskir... Kaikion, viele sugawalkara al tenuweter, pune Lorenzo Surprenant kou États patecta bareon dimlapitir aze va ina van megrupena diolafa widava malstatar, il ilkadena aala is bartafo vo lize eglunik mepomanon soxonuker isen ayikya gimejed ise abrotcion ilblid edge kona mekeskotafa pomara moe teniskafa kelda kotrafa gu nolda zo kalaneyar. Kle tokdume ina batlize co gozavzagitir ise kuncatar ise mejersetet, solve van geeka romallapitir aze kalon di blitir ?

Zakodafa suka daktesa va imwugal artstir ise va dilk alier, vanbureson va konake gojafe ompe : nanje ke yon licanaf aal dem bupes is kactawes gameem, is sumufa iera ke bugimo. Az fawokaf amlit gire. Samuel Chapdelaine al komoder ; voxen bata kenibera gabuon ice awalkik meinde tir yoromafa ok felkomasa ; ton itowa keve ast is nubeem fenkuyun moe bade, ine koe gabentafa anzanuca nutigir oke ko teca kuranafa awalkera vanludevawer, tigitison loon pok griawinik.

Maria wan nuer : tokdume manlize co gozavzagiti nume co kuncapatá ise co mejepeté ? Tokdume ?... Azen edge va meka dulzera trasir, pune to puda mal amlit ke miel tere zo gilded.

Mila puda meinde tid galovafa ; kot min va mana oltavafa gildet loviele umeke ezlanit ise zimpat, sumeon iskeson va blikunafa iyepta ke vieleafa blira. Nemon pu ixakafa takra idjon ice datafa



aala ke Valentexo is brigaf tawaday lopoos is lonamon pulvid. Edge Maria va ilef ribiegeem ke widava, pune taneafa puda artstir aze va kunoya grupensena sutkaca ke djujovleno vo tinteson kimbar.

Galovamafa awira ke tawa ba imwugal, moi abrotcif aksateem ke fentugal... Crakefa nolda kadasa facilafa voama tit kota krimpa ; zae gepoytese aze fure tunuyan sid lize ton sutkafa disukera is saipafa repalera dum remi pluktafa vogonuca lanit... Kadimion cirdata is gorka is waniba geilted isen gorkeda gu raltadukafa imwa zo besad, isen olgafa kobara ke tawa arti poana tildewera ke fentugal riwe tir jora ; kuncara mali gazda kali siel nutir kumzilina kalnovera...

Kot bonol tere tunuyan gu jaftolxe va karnizxo kovulted aze va warzaf werd kotvielon muleper. Kot koblisik ke ilanacek leve awalt toz tesker ise vielvielon atrir : i jaftoloc is jotafa ciastoa is namuloloc is dere nak isu olyub. An wawaf dielik ton nubeem koe ucom iste kusk ok taya dile vukir ise va valeuca fronar, kire gruper da idul ke awalt is zakodafa muva is disafa artazukewera ke tawa, i jontiko amidafo popo, dum levveges levetirik mu in kobad... mu in...

Kaikion to idulugal tir : baalpera ke awaltas vanafiz, is ticstira ke idulas gael yolkasis va zida is aalxodom, is nefta frelkasa koe afi, isen arte bar-sanoya bora male mona, rawista az narda zo gilded, batafaf skael moe ebetafa lava, isen nemafa wira va sina va sutkafa feduca galbur. Azen vebaltara is sinkas olk ezban koe baplaxe, az muvugal, az fure fentugal gire toz dus... Voxen to galovon fentugal mea nutir gonilkaden is eaftaf : va koekuca ke buzeyena mona icle vanburer, is diveon va dili do tankomuca is amlit ke zuvdaweyesa nolda, i va dilipi...

Koe widava ribiega pulviyina gan Lorenzo Surprenant nuve tigid, is dere jontikara ribiega inon gojon gestana : i mantafa koafina vawila, is cuisafe dolexe, is drikafa blira riwe kobarukiskafa nek kotrafa gu opelafe puve. Voxen rotir ina gan mana fansila treon zo argatar, isen ba siel viele va tildera is vumeltuca anton jugemeter, toklize va auluca ke taya is aala, is santara ke taneafa fedafa upara lenttaltuon dusa radimi titawaltara, is teniskafi dili ke tawaday varon komodes ko amlit katrasitir ?

« Batcoba ape soe tir listafa ! » unt kalir trakuson va amerikaf widap. Azen ara puda wetce dulzera ticstir. Banlize to divexo tir : yon korik ke ara zaava pulvisa va arcoba kan ara ava is dankagasa va aryona danka... Batlize...

Kot yolt ke vo, i yolt kotvielon gilden is dere yolt anton tanon gildeyen, koe inafi nami divmoder : i kunoy yolt gayan gan lorbafe tawadayik vey Franca gu uzda is kuksa is wida ke warzafa coyunta adre kosmana is darpeon frofana... Eau-Claire uzda... Famine... Saint-Cœur-de-Marie... Trois Pistoles... Sainte-Rose-du-Défilé... Pointe-aux-Outardes... Saint-André-de-l'Épouvante...

Eutrope Gagnon va ziavikye irubase koe Saint-André-de-l'Épouvante dikir ; Racicot ke Honneur va nazbeye tise foalkik koe tota ke Pargalu gipulvir, isen kotviele to warzaf yolt lopekuwes gu telyon savsaf ware tid : i yolt ke onasa wida ok moltam ke Saint-Laurent bost, tcastaf kene domegeem lize lekeugalafa tota van megrupena tawova budon waleon al katiclapid... Pointe-Mille-Vaches... Les-Escoumains... Notre-Dame-du-Portage... Grandes-Bergeronnes... Gaspé...

Mana plinaca tir to gildera va batyon tiyan yolt, viele vuwik ok sumef nik ok dere abrotcifa koyara zo pulvid ! Maneke sin tid yastaf is beraf, kotviele getcas va idulafa pestalera va vuwuca, is jupas da kottan tolkalison trakuckur : « Koe varafo vo dene int tigit... dene int ! »

Vane talteka, vielu va winka bulut, vane geeka vielu va jowa kaiklanit, to englavaf yolt kotlize tid, i yolt treon gruratiyan num tere nutis tuwavaf ; voxen toklize va daavafa zijnuca ke francavaf yolt co katrasitir ?

Data ewa ke divefa ava mamasa benu kot kutceem, koe vawila, koe dolexe... Yona rumeikya nubaplekusa ta anamkafa stutera is toz dankagasa va megildana danka... Batlize...

Maria va gadikye wan modese ton anzanik kobras va awalk disuker, ise va dankot kotsielon inon taveyen pu nazbeikeem isu ixakafa danka waroldon setiker.

*Koe aftaf sul
Gozason al trasí...*

Koe widava ke États patecta, kore rumeik va batyona danka co mbi taved, pune ape kalion co di vulkud !

Tcastaf rujod kotliz sure faruyus koe kelt koafin gan tael, gu lukoptafa nek tigafa plodapa anton flancesa va afi, va sint al kaljed ; sid besanaf gu jewemeyesa nolda tir weriktaf, isen aalxodom wale bate toloye aftafe divatce dum ervoliaredjel malimpawer.

Maria suster ; rinafa tsedawera ke takra krezer ; ware gire unt trakur :

« Neken... vo tir olgafo, batlice. Tokdume co gozavzagí ? »

Bam bareafa puda gijafa loon dam ara toloya ko amlit ticstir : i puda ke Québec vo, likon dank ke ayikya is likon fanya ke gertik.

Dum mam ke biota artstir, dum tutarkasa xurira ke zopoka koe uja, dum ixakafa latema is semasa iera ke intagagesik va sint rozas koe aala. Kiren ae kotcoba tisa gloga ke winka koe bata puda tigrir : i abegafa fawokuca ke guazaf atay, is pibuca ke guazafa ava lickon videyena, is wafuca ke warzafa patecta isu bartafo po lize savsafe zae va sarduca al katrasir.

Mila puda kalir :

« Weti bardecemda al artlapit aze al zavzagit... Tanealik batliz stayas va min mepiron is menigeson vanmiaon co rodimplapid, kiren ae tire al ravenset, pune ae va mecoba al vulkut.

» Kaiku bira va minyona blikera isu danka al kobureyet : sina wan tid mila. Koe ast va laspedafa is blifa takra ke voik al kobureyet, i va takra wilufa gu saara lidam kipera, i va ana ayafa takra : bana ina somebetawer. Va warzafa tadava al liwotat, mal Gaspé kal Montréal, mal Saint-Jean-d'Iberville kal Ungava, kalison : kotcoba minon kobureyena batlize vanpir baerdaca titickafa az gozavzatasa mana kali tena, i minaf atay isu ava isu ceakaceem isu dere axaceem.

» Azon diveik anamon al artlapid, i diveik minon yoltan gu bartik ; va cugi roti al konarid ; va cuga erba al koilkad ; voxen koe Québec vo mecoba al betawer. Mecoba betaweter kiren tit vrutaks. Icde int is sintafi bali va bati goni anton al gildackat : solinvet... gozavzagit... Kire al zavzagit, rotir enide arti konaka decemda tamava van min rwodeter ise kalitir : Ban korik tid ke megrupawalkesa zaava... Tit vrutaks.

Maria Chapdelaine, ke Louis Hémon (15^{-eafa} zixa ; tena tigisa koe diref otuk)

Maria Chapdelaine : berpot (1914) ke Louis Hémon francaf suterotik
Xanto : Maria Chapdelaine francavon, kalkotavayano gan Staren Fetcey, 2018.
Dotay : Kotavaxak dem Suterot.

Robelin banliz : <https://www.calameo.com/books/007735347a70b2f8fd0f4>



LUPA KUM SABA

☀ **Jewesa lupa kum noafa
ebeltafa saba felbetesa
va kot delfajik. ♥**

VWA

Fakafa

XANTA

Nederlanda

EGARA

20
wexa

BURMERA

30
wexa

TADLE

Sotre tevoy korik :

- Ebeltafa saba ta eftol vas 300 g-
- Fest vas 120 g-
- 4 ato
- Botaregelta vas 150 g-
- Regelta vas 75 g-
- Razafa kacaba vas 1 eyeltcekam
- Plawafa vayna vas 10 cl-

FOMEK

1. Va lik ke saba do fest ton *bain-marie* ckane jel.
2. Va regelta ko colubak az bota vas 120 g- is kacaba kalgimal. Va ato tantanon lopekul aze aotcel.
3. Va aotceks kum saba is fest koplekul aze va egaks ko festayan takrakoraf lupak gimal. Remi 5 wexa vas 6 DY- (180 °) kocadel.
4. Va lupa tufental aze bascupal. Va arak ke saba is vayna koe milka jel. Va arak ke bota (vas 30 g-) lopekul. Va lupa gu bata opresisa bada besal.



LUPA DEM ALFERK

☀ **Sutkafa woftulafa lupa
disa va mintanya ke alferk. ♥**

VWA
Fakapafa

EGARA

10
wexa

BURMERA

30
wexa

TADLE

Sotre tevoy korik :

- Alferk vas 1 furutsamacek
- Regelta vas 3 foriacekap
- Botagoa vas 1 foriacekap
- 3 ato
- Punta vas 1/4 foriacekap
- Razafa kacaba vas 1 eyeltcekam
- Liarcadakirafa bota
vas 1 eyeltcekam

FOMEK

1. Va cade vas 6 DY- (180 °) abdituidulal.
2. Va alferk gu botagoa is regelta koe colubak aotcel.
3. Va kacaba is liarcadakirafa bota az atoeem tantanon lopekul. Aotcel.
4. Va punta gimal aze va kotak aotcel.
5. Va egaks ko lupak kalgimal aze remi 30 wexa kocadel.




OMBA

1 Loma **URIMA**
MADAGASIKARAVA

FR
œil, yeux

Ita / iteem



Disukes **iteem** me sodivstar.
Maso mahita tsy mitondra mody.

ita - kiavá - nuca - intotcaf - tari - raporki

2 Loma **URIMA**
MADAGASIKARAVA

FR
salut, saluer

Kiavá



En **kokiaval** !!
edeme co traktut da mibuel.
Ny tonga tsy
miarahaba hono naman'ny tezitra.

ita - **kiavá** - nuca - intotcaf - tari - raporki

3 Loma **URIMA**
MADAGASIKARAVA

FR
ami, amitié

Naf / nuca



Sintafa **nuca** va beruca sovoner.
Fitia mifamaly mahatsara fihavanana.

ita - kiavá - **nuca** - intotcaf - tari - raporki

LIWOMBURA

Tula va olkoy ke lan liwatum watson gu afrikafa urima.
Konaka gocosmana peryasafa liwomba.

MADAGASIKARAVA (Madagasikara)

4 Loma **URIMA**
MADAGASIKARAVA

FR
orgueilleux, avec orgueil

Intotcaf / intotcon



Me **intotcon** renal !!
Aza manao fitia mifona avona.

ita - kiavá - nuca - **intotcaf** - tari - raporki

5 Loma **URIMA**
MADAGASIKARAVA

FR
foule

Tari



Tari koe kuksa va negova me gotemar.
Mita-be tsy lanin'ny mamba.

ita - kiavá - nuca - intotcaf - **tari** - raporki

6 Loma **URIMA**
MADAGASIKARAVA

FR
pierre

Rapor / raporki



Va rokabutuni **raporki** me firvil !!
Aza manome vato hatoraka ny tena.

ita - kiavá - nuca - intotcaf - tari - **raporki**

Kotavaf Izvugalayak [-600 – -500 : Europa]

Sinka is Anameda — Irubara is Vegedura — Ckane is Gandura — Yamba is Miga

Moavaf talolk dem olyubksent,
Metaponto, Italia



KOBURENA ZAIPA

Ellasafo boniaxo ke lanyona gola al vanpiyid xopo ta tawamidurafa warzera, dile warzeso va slikaca rodolena pu aryon derokaf ellasaf wid. Metaponto boniaxo koe Italia tiyir sposafa gu intaf olyub (volayan moe intaf tal).



Dopewa va Apollon, Delfi, Ellasa

BRIVAKIRAF ADOPEWA

Pulukaf martig koe vegeduropa koe Ellasa is Aigeos tursia bak -VI-eafa decemda zo voneyer. Dopewa kum rapor toz zo vegeduyud, kare taniaf azed : brivaxo renzayano moe snak va kolna fliki-rafa gu tumtaxo anam-madayar lize kudja va lorik tigiyr.



02.

Barracuda

Wimbra : Omza (2/2).
Tcordafa rupa koe Kariba.

32.

Tcilama

Wimbra : Mialukugal (4/6).
Stuva ke yamba.

36.

James Cook

Wimbra : Bocafa koyara
(1/3). Izva ke totasik.

52.

Pigafetta

Wimbra : Ugalda ke taneafa
koyara anamo tamava (4/6).

68.

Maria Chapdelaine

Suterot : Berpot ke Louis
Hémon (15/16).

is...

Kotavexa : 2 fomek
Liwotomba : Afrikafa urima
Izvugalayak : -600 / -500

Telizak



Webesik va bat otuk

- Yurani Andergan (KO)
- Gabriel Antiange (SW)
- Sabrina Benkelloun (FP)
- Damien Etcheverry (FR)
- Staren Fetcey (KA)
- Elisabeth Rovall (FR)
- Pierre Van Moorgen (BE)
- Claudia Visentini (IT)
- Marjorie Waldstein (SE)

Kotavusa virda

Virda kotavon sanelayana, nuyon is faston
romalvajana is rorubiana is rotananzilina.
Ickriluyun rokeem. PAG / PVM / DE
Internetxo : www.europalingua.eu/
KotavusaVirda
Bu : www.europalingua.eu/KotavusaVirda/40-e_otuk_02-2026
Sanegara : Toleaksat ke 2026. 40-e otuk.

Yunkexa is ewava : ewaveem abugaf gu roka
ok nuyon rotamuzen ok rictayan gan digisik.



Internetxo : **Kotava : langue, littérature / ava, suteroteem**
<https://kotava1837481.wordpress.com/2019/01/14/600-500-europa/>

TANEAF EUROPAF TALOLK

Irubasik ke Aigina, i zolonaf kazas
ewalaf wid, va gunteem ke tal faven
koe Pokefa Asia kalion gildayad, nume
moni -650 va tel intaf toz amuzeyed.

Bat moavaf talolk tazeyen gu
zovdaks moe abduak batinde
tiyid tel taneaf europaf tal.
Talolk dem zovdaks dere moe
radimak waroldon zo warzeyed,
numen tal ko kotafa Ellasa az
Europa kaikion divlizeyer.

KERAF IS EBELTAF TAWOLDAXA




Atina irubasik, kali -530, va tawoldaxa
gu zovdaks skun kan ebeltaf ling mo
keraf ludev yunkeyed. Banvielu, va
tawoldaxa varon ebeldon lingeyed.
Kerafa yunkera, fasion va ling benu
katasa uta num batkane awisison va
keraf ludev ke tawoldaxa, mantode zo
malseotayar.



Vorabday dem kerafa
vola, Atina, Ellasa



Taneaf moavaf
talolk, Atina is
Korintos, Ellasa



KOTAVUSA VIRDA

